

SECCION AMENA.*DONOSTIARI.*

(IRU DAMACHOREN SOÑUAN.)

Choricumeac
 dioten griña
 tellapeko cabiari,
 pisti chikiac
 dion naigiña
 sarjiñeko loreari;
 Donostiarrac
 amore fiña
 diogu Donostiari.
 Bai, barrendic datorren
 naitasun leyala
 jayogiñan chokoari.

Erri primore
 gaztelupeko,
 itsas urdiñac jantziric
 ikusten zaitut:
 bañan pareko
 ez det arkitzen besteric.
 Dama baziña
 zenbat erreko
 lirake amarez zu gatic,
 ¡Ay, biotzac zu gana,
 gaur bagac bezela,
 auango lirake lerturic.

Zurriyolatic
 Loyolaraño,
 Arrandegitic Cayera,
 San Vizentetic
 Isturiñaño
 Zubi-gañetic Chofrera:
 Donosti polit,
 ez da zu baño
 bicañagoric. Zu zera
 ain kutuna, chukuna
 ta zoragarria
 erri berritic zarrera.

Donostiar bat
 joaku Carayo
 Iruchulotic iñora,
 bere cuoka
 etortzen zayo
 unetic une gogora,
 «Noiz joango ote naiz
 (aditzentzayo)
 urgull mendien ondera,»
 ta Rusiyan, Turkiyan,
 naiz Californiyan,
 au datorkio abora.

SERAFIN BAROJA.